

Ichipingo chabana
Chamiletela

Davidi
Umulumendo
Kachema



Kalembe ni: Edward Hughes

Bakalenga wafikope: Lazarus
Alastair Paterson

Abalembulwile: Ruth Klassen

Abayalwile mu chibemba:
Bwembya Epidious Mulopa

Icapangwa na: Bible for Children
www.M1914.org

©2025 Bible for Children, Inc.

Kupoke nsambu: Mwalikwata nsambu uku senda no ku printa ilyashi ili,
chikulu mwikashitisha.



Akale pa nshita ya kunuma, munshiku sha mfumu Sauli uwaleteka Israeli, umulumendo umo uwaleitwa Davidi ayafwile indume nankwe chinelubali ukuchema ifitekwa fya kwa wishi. Nangula ewa chepeshepo pali bamunyina bonse, Davidi, alikwete amaka kabili

takwete mwenso elyo
nakuchilapo achetekele
na Lesa.



Limo Inkalamo ya sanshile umukuni wa mpanga ukuti isompolepo akana ka mpanga pakuti ikwate umwikulo wa chungulo. Akalumendo ka Davidi kasanshile ichiswango. Ukufumyapo fye akana ka mpanga, Davidi aikete ichiswango ichalebuluma ku mwefu no kuchipaya. Davidi alishibe ukuti lesa na mwafwa.



Samweli kasesema wakwa Lesa, achili fye no bulanda pakuti imfumu Sauli yafililwe ukubela Lesa. "Bushe tawaleke ukulila Sauli?" Lesa akalipile Samweli. "Ndekutuma kuli Jesi ... Pantu ninsota imfumu imo pa bana bakwe." Jesi ali ni wishi wakwa Davidi.



Nangula Samweli alishibe
ukuti Sauli kuti amwipaya
pakwima nokufwaya imfumu
imbi, Kasesema abelele
Lesa.





Ilyo Samweli afikile, Jesi atantamike abana bakwe chinelubali pa menso yakwa Samweli. Elyo Samweli alandile kuli Jesi ati, "Lesa tasalile nangu umo pali aba." Apa ushalipo fye ni Davidi uwali fye uwakumpela. Ena ali mumpanga alechema impanga. Baletele David. Na Shikulu Lesa atile, "ima, musube uyu eo nsalilile."




Mu musumba mwa Sauli, Umupashi wakwa Lesa wafumine pali Sauli kabili ali uwa chushiwa.

Ababomfi bakwe batontokenye ukuti inyimbo fye


eshinga muteka umutima. Umo paba bomfi alishibeko kalume umo uwalelisha Iseese bwino. Kuti mwalotela ulya kalume? Ee ni Davidi.




Ukwiimba no kulisha kwakwa David
kwa afwile amatontonkanyo yakwa
Sauli ukuba bwino. Sauli alombele
Jesi ukuti David engekala ku
musumba no kulabombela imfumu.
Lyonse ilyo Sauli asanshilwe na
matontonkanyo ya mwenso na
masakamiko, Davidi
alemulishisha Iseese. Nechi
chaleyafwilisha imfumu.



Ilyo David abwelemo ku mwabo, Sauli akwete ubulwi ubukalamba naba Filisite. Ba munyina David balwile mu fita fya nkondo ifyakwa Sauli. Jesi atumine Davidi ku ntashi ya fita ukutwalila ba ndume nankwe ifyakulya no kuya ishiba ifyo bali.



IPAKA ilikalamba ili mu Filisite, ishina Goliati
lyatinishe ifita fya bena Israeli fyonse.




"Salenipo umwaume umo muli baimwe, lekeni ese mupepi naine!" Goliati apundile. "Ngachakutila kuti alwa naine no kunjipaya, lyena ninshi twalaba abasha benu. Lelo nga nine namwipaya, ninshi mwalaba abasha besu no kutubombela."

Ilyo abashilika bamwene ili ipaka Goliati,

balifulumwike kuli ena kabili baiketwe no mwenso uukalamba sana.



Nomba Davidi alandile kuli Sauli ati. "Mwileka imitima shaba shilika shitutume pamulandu wa ili ipaka: Umubomfi wenu alalwa neli ipaka ili Filisite." Sauli afwaile ukuti Davidi engafwala inkwela no kusenda ulupanga. Lelo Davidi asendele fye ilegeni no tumabwe utwabulungana tusano ukufuma mu kamana.



Lintu Goliati amwene aka mulumendo akaiche ka Davidi takafwele inkwela aponene mu luseko ulukalamba. "Nalapela umunofu obe ku fyuni fya

mulwelele na kufinama fya mpanga!" Goliati apundile ne shiwi ilikalamba. "Naisa mwi shina lya mfumu Shikulu Lesa!" Davidi alyaswike. "Mu bushiku bwa lelo Shikulu Lesa alakupela mu mwinwe yandi ... Pantu ubulwi bwa mfumu shikulu Lesa!"




Apopene Davidi alungeme
Goliati ulubilo. Ilyo
alebutuka, alashile Goliati
ilibwe ukufuma ku mulegeni
wakwe - ukulangamika
fye pa mpumi pali
Goliati. Awe ipaka
lyaponene panshi!



Mukwangufyanya fye Davidi asomwene ichi lupanga chakwa Goliati no kuputula umutwe wa chiko. Ilyo aba Filisite bamwene ukuti Goliati afwa, balifulumwike bonse ukutina ukufwa.



Imfumu Sauli tayaibukishe ukuti uyu ni umo wine
Davidi uwale talalika umutima wakwe mukumulishisha
Iseese. Asontele Davidi ukwangalila impuka ya fita




fyakwe - nomba akwete akalumwa
lintu abantu balumbenye Davidi
pa kuchimfya kwakwe. "Nomba
chinshi akakonkeshapo ukufwaya
nga te bufumu bwandi?" Sauli
atontonkenye. Ukufuma bulya
bwine bushiku
aposele amenso
pali
Davidi.



Nakabili imfumu Sauli ya chushiwa no mutima. Eicho Davidi alishishe Iseese no ku mwimbila mucheni chakwe. Imiku itatu Sauli apushile Davidi imifwi.

Imiku yonse Davidi alipuswike.

Sauli aiketwe no mwenso pali Davidi, pantu alishibe ati Shikulu Lesa ali nankwe, icho ali mutalwike ena.



Nomba Yonatanani mwana Sauli, atemenwe Davidi nga munyina fye. "Tata Sauli adefwaya uku kwipaya," asokeleko Davidi. Panuma Davidi alifulumwike. Umukashi wakwe abikilepo ichalemoneka ngo muntu pa busanshi bwakwa Davidi. Amufumishe ukupitila pa ntolokoshi ya ng'anda pakati ka bushiku. Ilyo abantu bakwa Sauli baishile uluchelo,

basangile
Davidi naya.



Davidi afulumikile fye ukutali ukufuma kuli Sauli.
Elyo talati afulumuke Yonatanani naena bachitile
umulapo. Balapile ukutala inshita yonse ba
kalayafwana.



Awe Chabulanda ifibusa fibili fyapatukana. Davidi aile mukufwaya apakuti engekala ukwabula umwenso wakusangwa ku ba shilika bwakwa Sauli.



Davidi Umulumendo Kachema


Ilyashi ukufuma mu cebo cakwa Lesa,
Baibele,

Chisangwa mu

1 Samweli 16-20

“Ukulondolola kwa chebo chenu kuleta ulubuto.”
Amalumbo 119:130





Impela



19



60



Ili lyashi Iya mucipingo litweba pali Lesa wesu uwatubumbile kabili afwaya ukutilati mumwishibe.

Lesa alishiba twalichita ifntu ifibi, ifyo eta ulubembu. Ukupanikwa kwa lubembu nimfwa, lelo Lesa alitutemwa sana eicho atumine umwana wakwe Yesu ukutufwila palupanda nokulimwinwa pa membu shesu. Kabili Yesu alibuka kubafwa nokuya kumwakwe kumulu. Ngamwachetekela muli Yesu nokumulomba ukuti amyelele imembu shenu, alamyelela! Kabili alaisaikala muli imwe ililine, elyo mukekalanankwe umuyayaya.

Ngamwachetekela ati ichi echishinka, soseni amashiwi aya kuli Lesa: We mutemwikwa Yesu, nachetekela ukutila nimwe Lesa, lelo mwasangwike umuntu pakuti mufwile imembu shandi. Pali lelo muli abomi. Iseni mumweo wandi nokwelela imembu shandi pakuti mbe no bumi ubupya nokutila ubushiku bumo nkabe nenu umuyayaya. Ngafweni ukumyumfwila no kwikalila imwe ngo mwana wenu.

AMENI!

Belengeni Baibele chilabushiku nokulanda na Lesa!
Yohane 3:16

